



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

CII. Indulgentia plen. visitantibus Ecclesias Congregationis Vallis Umbrosæ  
die festo S. Joannis Gualberti.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

Generali ejusdem Ordinis concedere facultatem ordinandi Capitula sesquiannalia, sublatis Congregationibus intermediis, secundum exigentiam Provinciarum. Talem autem exigentiam debuisse, & debere determinari ab eodem Ministro Generali, non autem a Provinciis. Ac ipsum Ministrum Generalem potuisse, & posse cogere easdem Provincias ad Capitula Provincialia de sesquianno in sesquiannum, sublatis Congregationibus intermediis, celebranda, prout secundum datam sibi a Dño prudentiam, ad conservandum, promovendumque in ipsis Provinciis regularis observantiæ rigorem, tollendosque, si qui irrepererat abusus, expedire in Dño judicaverit.

Decretum irritans.

§. 5. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quocumque quavis auctoritate scienter, vel ignoranter contigerit attentari.

Contrariis derogato.

§. 6. Non obstantibus præmissis, ac Constitutionibus, & Ordinationibus Apostolicis, necnon quatenus opus sit d. Ordinis, ejusque Provinciarum, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Fides transumptorum.

§. 7. Volumus autem, ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides in Judicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Dat. 30. Martii 1676. Anno 6.

Datum Romæ apud S. Mariam Majorem sub Annulo Piscatoris die 30. Martii 1676. Pontificatus nostri Anno Sexto.

I. G. Slufius.

Reg. in Sec. in lib. Brevium Mensis Aprilis part. utraque fol. 46.

CII.

Indulgentia plenaria perpetua pro visitantibus aliquam ex Ecclesiis tam Monachorum, quam Monialium Congregationis Vallis Umbrosæ die festo S. Joannis Gualberti Abbatis Fundatoris dictæ Congregationis.

CLEMENS PAPA X.

Ad perpetuam rei memoriam.

Cælestium munerum Thesauros, quorum Dispensatores esse nos voluit Altissimus, cum ad Christianæ pietatis incrementum, & animarum Christianissimorum salutem profuturos speramus, libenter elargimur.

§. 1. Supplicationibus itaque dilecti filii moderni Abbatis Generalis Congregationis Monachorum Vallis Umbrosæ Ordinis Sancti Benedicti nomine nobis humiliter porrectis inclinati, ac de Omnipotentis Dei misericordia, & Beatorum Petri, & Pauli Apostolorum ejus auctoritate consili omnibus utriusque sexus Christi-

delibus vere penitentibus, & confessis, ac Sacra Communione refectis, qui aliquam ex Ecclesiis tam Monachorum, quam Monialium Congregationis hujusmodi hæcenus erectis, & in posterum quocumque erigendis, ac ubicumque locorum existentium die festo S. Joannis Gualberti Abbatis, & Fundatoris Congregationis prædictæ a primis Vesperis usque ad occasum solis festi hujusmodi singulis annis devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione, piis ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

§. 2. Volumus autem, ut præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique adhibeatur, quæ ipsis præsentibus adhiberetur si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 17. Aprilis 1676. Pontificatus nostri Anno Sexto.

I. G. Slufius.

Reg. in Secretaria Brevium in lib. 6. diversorum fol. 549.

Declaratio, quod Conventus Jesu, & Mariæ de Urbe Congregationis Italiæ Fratrum Eremitarum Ordinis S. Augustini Excalceatorum sit Conventus Generalis, & Studii Generalis &c.

CIII.

CLEMENS PAPA X.

Ad futuram rei memoriam.

Solicitude Pastoralis Officii, quo Catholica Ecclesiæ regimini Divina dispositione præsidemus, Nos admonet, ut paternam Religiosorum Congregationum in Ecclesia Dei pie, sancteque institutarum, uberesque bonorum operum fructus adjuvante Domino proferre jugiter fatigentium curam gerentes, illarum decori, & commodis, ac præsertim Sacrarum, eisque æmulantium bonorum literarum Studiis in eis ad Dei gloriam, & Religionis incrementum promovendis, quantum Nobis ex alto conceditur, providere studeamus.

Exordium.

§. 1. Exponi liquidem Nobis nuper fecerunt dilecti Filii Vicarius Generalis, & Gremiales Dilectorum Congregationis Italiæ Fratrum Ordinis Eremitarum S. Augustini Excalceatorum nuncupatorum, quod licet Conventus olim S. Antonii, nunc Jesu, & Mariæ nuncupatus de Urbe dictæ Congregationis, alias a tunc existentibus Superioribus ex contributione Provinciarum tunc existentium ipsius Congregationis acquisitus, & fundatus fuerit, ad hoc ut in eo Studium Generale ad communem utilitatem erigeretur, in eoque subinde Collegium erectum, & multorum annorum spatio sustentatum, literarum Studiis extime floruerit, ac ut idem Conventus Religiosis literarum scientia conspicuis abundaret, & unaquæque Provincia unum Religiosum, qui ibidem perfectioni studere, seque ad exercitium cujuscumque muneris in obsequium dictæ Congregationis obeundi habitum reddere deberet illuc mitteret an. 1618. a Capitulo Generali declaratum fuerit, quod d. Conventus habeatur dignior omnibus Conventibus, & Prior illius ubique omnes Priores præcederet, præter Priorem localem; Quinimo Capitulum Generale ejusdem Congregationis anno 1628. celebratum insuper declaraverit, prædictum

Expositio facti.

Declaratio Capituli Generalis anno 1618.

Alia Declaratio d. Capituli Generalis anno 1628.

Conventum